

**2.13 ORDENANZA FISCAL
POLA PRESTACIÓN DO
SERVIZO DE
CELEBRACIÓN DE
CASAMENTOS CIVÍS**



expediente durante o prazo de 30 días hábiles mediante anuncio no taboleiro de editos do concello e no Boletín Oficial da Provincia. O prazo comezará a computarse desde o día seguinte ao de publicación deste anuncio no BOP.

Durante o prazo de información pública os interesados poderán examinar o expediente no concello e presentar as reclamacións e suxestións que estimen oportunas. Para o caso de non formularse reclamación ningunha, elevarase a definitivo o acordo de aprobación inicial, procedendo á publicación no BOP do acordo definitivo e do texto íntegro da ordenanza.

Caso de non presentarse reclamación algunha, esta ordenanza entenderase definitivamente aprobada sen necesidade de novo acordo.

En Salceda de Caselas, a 18 de maio de 2012.—O Alcalde-Presidente, Marcos David Besada Pérez.

2012005255

A N U N C I O**ASUNTO: APROBACIÓN INICIAL DE MODIFICACIÓN DE CRÉDITOS 4/2012**

O Pleno do Concello en data 15 de maio do presente ano aprobou inicialmente o expediente de modificación de créditos 4/2012 mediante crédito extraordinario. De conformidade co disposto no artigo art. 177.2 en relación co artigo 169.1 do TR 2/2004 da lei reguladora das facendas locais expónse o expediente ao público polo prazo de 15 días hábiles durante os cales os interesados poderán examinalo expediente e interpoñer no seu caso as reclamacións baseadas en algúns dos motivos sinalados no artigo 170.2 da mesma lei.

Transcorrido o devandito prazo sen interposición de reclamacións entenderase definitivamente aprobado.

En Salceda de Caselas, a 18 de maio de 2012.—O Alcalde-Presidente, Marcos David Besada Pérez.

2012005253

* * *

T O M I Ñ O**E D I C T O**

1.—O Concello de Tomiño na súa sesión do pasado 30 de marzo do 2012, adoptou con carácter provisional a imposición e ordenación da taxa por prestación do servizo de celebración de casamentos civís e a súa ordenanza fiscal, co texto que se acompañan no ANEXO.

2.—Os citados acordos provisionais, foron expostos ao público no taboleiro de anuncios deste Concello, BOP nº 76 de 19 de abril do 2012 durante o prazo de 30 días hábiles, a fin de que os interesados puideran examinar o expediente e presentar as reclamacións que estimen oportunas.

3.—Durante o mencionado prazo non foron presentadas alegacións nin reclamacións, polo que de conformidade coas disposicións vixentes os acordos provisionais enténdense definitivamente adoptados, publicándose o texto íntegro dos mesmos no BOP e entrando en vigor coa citada publicación.

**ANEXO****ORDENANZA FISCAL REGULADORA DA TAXA POLA PRESTACIÓN DO SERVIZO DE CELEBRACIÓN DE CASAMENTOS CIVÍS NO CONCELLO DE TOMIÑO.****ARTIGO 1.—FEITO IMPOÑIBLE**

Constituirá o feito impoñible desta taxa o conxunto de actuacións relativas a celebración de casamentos civís polo Concello de Tomiño.

ARTIGO 2.—SUXEITOS PASIVOS

Serán suxeitos pasivos, obrigados ó pagamento da taxa reguladora desta Ordenanza, os beneficiarios do Servizo, entendéndose por tales os contraentes, que quedan obrigados solidariamente.

ARTIGO 3.—EXENCIÓNS E BONIFICACIÓNS

Agás o disposto en normas de rango legal e tratados internacionais, non se admitirán exención e bonificacións na taxa regulada na presente Ordenanza.

ARTIGO 4.—TAXA

Corresponderá aboar pola prestación do servizo regulado nesta ordenanza a tarifa de 90,00 € para os casamentos que teñan lugar nas dependencias municipais e de 120,00 € para os casamentos que teñan lugar noutro lugar.

ARTIGO 5.—DEVENGO E INGRESO

1.—A taxa regulada na presente Ordenanza devengarase no momento en que se inicie a prestación do Servizo, entendéndose por tal inicio a recepción da solicitude no Rexistro Xeral do Concello.

2.—Os solicitantes do servizo realizarán, simultaneamente coa solicitude, o ingreso na recadación Municipal do importe da taxa sinalado no artigo 4 desta Ordenanza practicando a correspondente autoliquidación en impreso regulamentario que facilitará o Rexistro Xeral do Concello.

3.—No suposto de que, con posterioridade á presentación da solicitude e antes da fixación da data da cerimonia, os solicitantes desisten do servizo solicitado, procederá a devolución do 75% do importe sinalado no artigo 4 desta ordenanza.

ARTIGO 6.—INFRACCIÓNS E SANCIÓNS

No relativo a infraccións tributarias desta Ordenanza así como a súa cualificación e as sancións procedentes estarase ó disposto na Lei Xeral Tributaria, na Lei 1/98 de dereitos e garantías dos contribuíntes e restante normativa de aplicación.

DISPOSICIÓN FINAL ÚNICA

A presente Ordenanza entrará en vigor o día seguinte da súa publicación no Boletín Oficial da Provincia de Pontevedra, permanecendo en vigor en tanto non se acorde a súa modificación.

Tomiño, a 22 de maio de 2012.—A Alcaldesa, Sandra González Álvarez.

2012005331

MANCOMUNIDADE DO VAL MIÑOR**A N U N C I O**

En sesión da Xunta de Mancomunidade de Concellos do Val Miñor de 24 de abril de 2012 aprobouse inicialmente o Presuposto Xeral para 2012, que ascende a 591.531, 73€. Previo anuncio no BOP Nº 85 de 3 de maio de 2012, someteuse a exposición pública por un prazo de 15 días e non habéndose presentado reclamacións en dito período, enténdese elevado a definitivo o acordo provisional.